



**PEKELILING PENTADBIRAN
BILANGAN 37 TAHUN 2022**

**PENSTRUKTURAN SEMULA
PEJABAT KETUA PEGAWAI MAKLUMAT (CIO)
DI UNIVERSITI TEKNIKAL MALAYSIA MELAKA**

Pejabat Pendaftar
1 Ogos 2022 | 3 Muharam 1444H

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar dan Alumni)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/1(122)

1 OGOS 2022
3 MUHARAM 1444H

PEKELILING PENTADBIRAN BIL. 37/2022

PENSTRUKTURAN SEMULA PEJABAT KETUA PEGAWAI MAKLUMAT (CIO) DI UNIVERSITI TEKNIKAL MALAYSIA MELAKA

1.0 TUJUAN

- 1.1 Pekeliling Pentadbiran ini bertujuan untuk memaklumkan kepada pengetahuan semua staf dan pelajar Universiti Teknikal Malaysia Melaka (UTeM) mengenai keputusan Universiti melalui kelulusan Mesyuarat Lembaga Pengarah Universiti Bilangan 3 Tahun 2022 yang bersidang pada 5 Julai 2022 berkaitan Penstrukturan Semula Pejabat Ketua Pegawai Maklumat (CIO) di Universiti Teknikal Malaysia Melaka.

2.0 LATAR BELAKANG

- 2.1 Penstrukturan semula ini adalah antara strategi bagi menzahirkan aspirasi dan keperluan pihak Universiti untuk dipacu ke arah transformasi pendigitalan. Secara tidak langsung, penstrukturan ini juga akan memperlihatkan fungsi Pejabat CIO dengan lebih jelas, bersesuaian dengan perkembangan Universiti serta kepentingan perkhidmatan yang lebih berfokus dan memberikan impak yang tinggi.
- 2.2 Selain itu, selaras dengan penstrukturan ini, Mesyuarat Lembaga Pengarah Universiti Bilangan 3 Tahun 2022 juga telah bersetuju untuk menjumudkan Jawatan Timbalan Ketua Pegawai Maklumat.

3.0 OBJEKTIF PENSTRUKTURAN

- 3.1 Mengoptimumkan fungsi CIO dalam melaksanakan tanggungjawab sebagai peneraju perkhidmatan ICT di UTeM.

- 3.2 Memacu transformasi sebagai salah sebuah sektor awam untuk menerajui digital. Ini akan dicapai dengan memanfaatkan teknologi, data dan kecerdasan digital, meningkatkan set kemahiran digital staf dan meningkatkan kualiti perkhidmatan dalam talian.
- 3.3 Melaksanakan transformasi yang membolehkan UTeM menerima guna teknologi digital dan menggunakan data untuk memodenkan pendekatan pengurusan. Dengan kepimpinan dan strategi yang kukuh dalam memacu transformasi digital, pentadbiran dan pengurusan UTeM akan menjadi lebih tangkas dan proaktif setelah beralih kepada digital sepenuhnya.
- 3.4 Mengurus kemunculan teknologi baharu, data raya, analisis data dan persekitaran digital bagi meningkatkan kemampuan UTeM dalam menyokong penyampaian dan menyediakan perkhidmatan.
- 3.5 Membangunkan bakat digital yang tangkas dan kompeten.

4.0 PELAKSANAAN

- 4.1 Secara keseluruhannya Penstrukturan Semula ini melibatkan :
 - a) Penstrukturan Semula Pejabat Ketua Pegawai Maklumat (CIO)**
 - b) Penubuhan sebuah Pihak Berkuasa Universiti (PBU) :
Pusat Perkhidmatan Data Raya & IoT (PaDtRIoT)**
 - c) Penstrukturan Semula Pusat Perkhidmatan Pengetahuan dan Komunikasi (PPPK) serta perubahan status daripada sebuah Pusat Tanggungjawab (PTj) kepada Pihak Berkuasa Universiti (PBU)**
- 4.2 Struktur baharu boleh dirujuk di **Lampiran 1**.

5.0 TARIKH KUAT KUASA

- 5.1 Sehubungan dengan itu, semua staf dan pelajar UTeM diminta mengambil maklum mengenai Penstrukturan Semula Pejabat Ketua Pegawai Maklumat, Universiti Teknikal Malaysia Melaka berkuat kuasa **5 Julai 2022**.

Sekian, terima kasih.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT

Ketua Pegawai Operasi

Universiti Teknikal Malaysia Melaka

ORGANIZATION CHART - OFFICE OF THE CHIEF INFORMATION OFFICER

